

Dos hoben ta triunfa den Festival di Dande 2010



SANTA CRUZ – Demostrando cu e festival ta logrando su obhetivo di sigui fomenta e tradicion aki, y mas importante ainda, di percura pa su continuacion den generacionnan futuro, dos hoben a conquista diadomingo ultimo e titulongan maximo den Festival di Dande 2010. E 38 Festival di Dande a

tuma luga den Club Caiquetio na Paradera y tabata dedica na Sr. Pampi Suarez y Sr. Roberto Orman. Organisa pa Sr. Harry Croes, un total di 16 agrupacion a registra nan participacion den e gran fiesta di fin y comienso di aña nobo cu total di 50 dande, 17 pieza tipico, 10 cancion propio composicion nobo y



7 composicion tumba di aña nobo.

Den oranan di dialuna marduga, exactamente pa 4'or, e decision di hurado a bira conoci. Como Reina di Dande a yama Hilyann Croes kende tabata compaña pa Tipico Macuarima y Rey di Dande ta Jeffrey Franken cu a competi hunto cu Grupo di Betico. Ambos ta talentonan hoben, Franken cu poco mas experiencia y titulongan cu Croes, sinembargo Hilyann ta un veterano caba di canto ya cu el a cuminsa for di mucha



siguiendo den stapnan di su welo y su Tata. Pa Jeffrey esaki ta e di cuater corona di Rey di Dande. Den pasado el a yega di gana un na Hulandes y e resto aki na Aruba. Inoficialmente Bon Dia Aruba a compronde cu

e lo a laga sa cu e ta retira despues di e triunfo aki for di e festival. Pabien na ambos ganado y na organisadonan di e festival. Lamentablemente, ayera a tuma contacto cu nan, pero no por a haya e lista oficial di resultado.